

MATVTINIS EXCVTIENDA DISCEPTATIONIBVS, IN SCHOLIS
MEDICORVM, DIE IOVIS 9. MARTII: CLARISSIMO VIRO D. FRANCISCO
DV PORT, DOCTORE MEDICO, MODERATORE DIGNISSIMO.

An grauiissimi morbi, quarto, vel antè, perimunt?

HOMO ut omnium animantium calidissimus: Sic innumeris propriè morbis est obnoxius. Nec à congenitis modo quæ intestinam seditionem moueant causis, sed superius corporibus, perenni motu & lumine, Aerem, quatuor anni tempestatum authorem, variè immutantibus, grauius affici consuevit; à calore morbo frequentius indolescens. Hinc astu febrili & phlegmonosa fluxione omnium maxime iactatur. Nec immerito solus homo calculosus, arenularum missione haud necessario dignoscendus, creditur. Præcipue eiusmodi morborum cause sunt humores à conuenienti symmetria pro cibi potusque necnon exercitationis aerisque modo recedentes. Quò fit ut aliando maiori copia, interdum qualitate aliena, nonnunquam utraque ratione, in vniuerso corpore redundent: Hinc non solum grauiissimi sed & repentini morbi sa-
pius oriuntur, putrescentibus humoribus, aut affatim ad præstantiores partes consuetibus, ut quæque minus vegeti roboris existerit.

AT humores calidi tanto citius nos afficiunt, quanto facilius potu quam cibo repleti, aquarumque mutationes quàm aeris periculosiores. Sic in Plethora ad vasa, nimia tensione turgentibus partibus, Phlegmonæ & Apoplexiæ repente sunt: Aut isdem oclusis, innati caloris restinctio, spiritusque præfocatio, aut repentina mors, consequuntur. In calidis humoribus, calidaque aeris constitutione, Natura celeriore tum concoctionem (quæ iudicatio simul & excretio quæ iam est) tum Crisin, die impari quam pari tutiorem, sine qua nemo subito morbum euasit, experitur: Contrariis, segiorem. Sed & nonnunquam haud leui humorum labe in morborum insulubilibus stimulata, Crisin præmataram atque adeo doctorem adfert. Quæ autem inferiori sit euacuatione tutior quam quæ abscessu. Viribus tamen languentibus nulla excretio nullus abscessus bonus.

MORBI omnes tribus præcipuis generibus conclusi, tametsi actionem primò & per se labefaciunt: Id tamen ut vehementius mitiusque faciant, ita languidi aut vehementes, magni aut parui, leues aut graues, habendi sunt. Eorum magnitudo vel grauitas non semper ad læsæ partis præstantiam, sensumque consequens, reconditas soboles, vehementi causarum appulsu & symptomatum seuitia terret. Temperamento morbus dissentaneus maior, ut etiam ætati & consuetudini. Vnde febris, solius intemperiei calida non necessario in totum corpus diffusa, soboles, senibus, licet sicco corpore, grauior quam iuuenibus (qui tamè senibus morbofosiores existant) remedia maiora postulat. Æstas, insalubrior hyeme, morbis celeritatem addit: Qui tamen hyeme suboriuntur, funestiores. Annumus in qualitatam actuarii cōiugatione inaequalis, ideoque omnibus naturis malus, morbos acutissimos & maxima ex parte exitiales accersit.

MORBI à validissima Corporis parte prognati grauiissimi existunt; cuiusmodi & in propriè dictis Synochis sunt. Ac quamquam in Cerebrum, grauiissimi, maximi, præcipueque lethales morbi incidunt: Omnium tamen celerrimè morbi Cordis necant, serius Cerebri. A quibus Crisin (indicium naturæ victricis) haud quaquam subeuntibus, homines cum signis etiam coctionis intereunt. Inflammatio substantiæ Cerebri, à Phrenitide vehementi quidem morbo, solutu tamen facilius ac lethargo leuiori, haud parum diuersa, tertio ferè die occidit. Ut tetano correpti intra quatuor dies intereunt: Sic qui Opisthotono detenti sudant, voceque ab initio intercepta per nares renouunt, postridie moriuntur. Apoplexia, ætate quàm ceteris temporibus citius interimunt, ut à causa frigida non semper existit, sic hæmorrhoidibus succedentibus soluitur. Hac paulo leuior Angina citra obstructionem fauces occupans, vel cessante suffocatione lethalis, repellentibus topicis ingrauescens, faucibus ita dolentibus ut nullus tumor appareat sed anxietas accedat, repentina præfocatio eodem die aut tertio iungat. Quibus totus Pulmo vna cum Corde inflammatur ut lateri incumbat, secundo aut tertio die mors obrepit. Aeris diuinus contagio si ad spiritum analogiam habeat, Ephemeram pestilentissimam ac celerrimè enecantem inducit: Si ad humores, mitiorem febrem: bubone & exanthematis insignem, pueros quam adultos, mulieres quam viros, magis inuadentem. Cholera morbus, funestissima sane affectio, à sola aeris bilio-
sique humoris à toto corpore in ventrem fluxione ortum habens, citissime hominem exhaurit: nec vnquam persistente fluxione reprimenda: Lipytia tamen superueniens est auxilio. Virum exolutio morbum omnem lethalem facit.

VT placidissimas affectiones natura citissime superat: sic à difficillimis celerrimè vincitur. Proinde peracutis morbis statim eodem die remediis valentissimis occurrendum. Phlebotomia (quam sanguinis non indicat ad hæpion) in acutis purgatione tutior. Pestilentes morbi ut extremi, sic extremis remediis, ut antidotis & aliis aduersis, oppugnandi. Ex quibus sola Theriaca diuinitoris cuiusdam originis ope prædita, pestilenti lue correptis, licet à febre nunquam liberis, remedio est: In ceteris spes est exigua. Præcipitis enim morbi seuisimo insultu non represso innotescente, naturæ fatiscientis procinctu eluso, morboque inualecente, omnimodam facultatum deiectionem eodem tempore subsequi par est, non tamen semper in statu (ad quem diæta ratio & omnium Criseon regula dirigitur) sed ineunte interdum necdum progressu ulterius morbo mors ægrum rapit. In declinatione vero nunquam. In statu autem, aliorum temporum vehementissimo, ut Crises tutissima sunt ac creberrima, ita & interitus: illa simplicissimis affectionibus & firmatis signis securissimis quarto die aut citius succedunt. Interitum vero adferunt deterrimæ egrorations, signisque infestantes difficillimis, eodem die aut citius. Ad eius æstimationem urinis minus quam pulsui fidendum: à quo cum certiora signa sumantur, si pessimus existat, in propinquo mors.

Ergo grauiissimi morbi, quarto, vel antè, perimunt.

ASSEREBAT PETRVS COLLIER, PARISIENS. ANNO DOMINI 1600.

F.M.P.